

BLAS DE OTERO-ÁNGELA FIGUERA

XVII. POESIA LEHIAKETA, 2024

OINARRIAK

1. Blas de Otero Fundazioak eta Bilboko Udalak **BLAS DE OTERO – ÁNGELA FIGUERA POESIA LEHIAKETAREN XVII. EDIZIOAREN** deialdia egin dute.
 2. Nazionalitate eta leku guztietako idazleek har dezakete parte, 18 urtetik gorakoak badira.
 3. Hizkuntza-modalitate bi jarri dira: euskarazkoa eta gaztelaniazkoa. Modalitate biotako batera soilik aurkeztu daiteke obra bakoitza.
 4. Lanak originalak izango dira eta argitaratu gabe egongo dira. Gerora argitaratuz gero aipatu beharreko inolako sari edo accesitik lortu gabekoak izango dira. Baldintza horiek guztiak epaia eman arte bete behar dituzte aurkezten diren lanek. Hizkuntza-modalitate batera aurkezten diren lanak beste hizkuntza batetik itzultitakoak badira, ez dira originaltzat joko. Lanak argitaratu gabeak edo saritu gabeak izateko baldintzari dagokionez, lana entregatu ostean aldaketarik gertatuz gero, horren berri eman beharko diote idazleek epaimahaiari.
 5. Lanek gutxienez 500 bertso-lerro eta gehienez 1.000 izango dituzte. Gaia, errima eta neurria libreak izango dira.
 6. Lanak udalaren webgunearen bidez aurkeztu beharko dira:
 - www.bilbao.eus/premioblasdeotero-angelafiguera
 - www.bilbao.eus/blasdeotero-angelafigueralehiaketa, euskaraz.
- Gainera, egileak honakoak egin beharko ditu:
- formularioa behar bezala bete, bere datuekin
 - poemak PDF formatuan erantsi, nortasuna adierazi gabe eta lanaren orrietan bera nor den argitu dezakeen aipamenik egin gabe.
7. Lanak aurkezteko epea **2024ko martxoaren 15ean** hasiko da eta **2024ko maiatzaren 30ean** amaituko da.
 8. Modalitate bakoitzeko epaimahai bat egongo da. Epaimahaiok oinarri hauek interpretatu ahal izango dituzte beharrezkoa bada, baita jarduteko arauak finkatu ere. Sariak emateko edo eman gabe uzteko ahalmen osoa izango dute. Epaimahaiaren erabakia ezin izango da eztabaidatu.
- Sariketa honen antolatzaileek bermatuko dute epaimahaikideek lanen egileak nortzuk diren jakin gabe baloratuko dituztela lanok.
9. Saritutakoek eurek joan beharko dute sari-banaketaren ekitaldira, horretarako jarriko diren toki, egun eta orduan; bertaratzea ezinezkoa badute, ordezkoa bidaliko dute. Sariak banatzeko ekitaldia **2024ko azken hiruhilekoan** izango da.

Epaia Bilboko Udalaren webgunean argitaratuko da: www.bilbao.eus.

10. Blas de Otero Fundazioak eta Bilboko Udalak euren gain hartzen dituzte saritutako lanen ustiapen eskubideak, emandako sariaz gain ezer ordaindu barik, saria bera izango baita egingo den ordainketa bakarra eta osoa; horretarako, egileek hitzematzen dute:
 - a) Saritutako lanak argitaratzeko, banatzeko eta salgai jartzeko eskubideak lurralde-muga barik eta legez ezarritako gehieneko eperako lagatzen dituztela, merkaturatze-sistema, argitaratze mota eta euskarri guztietarako. Lagapen hori Bilboko Udalari eta Blas de Otero Fundazioari egingo zaie bakarrik, epaia ematen denean hasi eta urte biko eperako.
 - b) Bilboko Udalari eta Blas de Otero Fundazioari eskumena ematen dietela egoki deritzeten argitalpenak egiteko, beren kabuz edota argitaletxe pribatu zein publiko batekin egindako hitzarmenaren bidez. Udalak eta Fundazioak argitalpen bakoitzeko ale kopurua ere erabakiko dute.
 - c) Bilboko Udalari eta Blas de Otero Fundazioari eskumena ematen dietela saritutako lanak beste hizkuntza batzuetara itzultzeko, jatorrizko hizkuntzakoak ustiatzeko eta erabiltzeko dituen eskubide bereberekin.
11. Edozelan ere, saritutako lanak Bilboko Udalak edo/eta Blas de Otero Fundazioak esku hartu barik argitaratuz gero, hizki deigarrietan agertu beharko dute zein sari jaso duten.
12. Modalitate bakoitzean 5.500 euro gordineko saria emango da. Diru-kopuru horri dagozkion atxikipeak egingo zaizkio, indarreko zerga-arauen arabera (Espainiar estatuko egoiliarrentzat, pertsona fisikoen errentaren gaineko zerga, eta atzerriko egoiliarrentzat, ez-egoiliarren errentaren gaineko zerga).
13. Deialdi honetan parte hartzeak arauok osorik onartzen direla esan gura du. Oinarrietan araututa ez dauden gaitan, Bilboko Udalaren Dirulaguntzen Ordenantza aplikatuko da ("Bilboko Udalaren eta zuzenbide publikoko bere erakundeen eta entitateen deialdiaren bidez dirulaguntzak emateko oinarriak arautzen dituen Ordenantza Orokorra"; Bilboko Udalbatzak 2016ko ekainaren 30ean onartua eta Bizkaiko Aldizkari Ofizialean 2016ko uztailaren 20ko 138. zenbakian argitaratua).

IRABAZLEEI ORDAINKETAK EGITEKO OHARRAK

1. **Espainiako lurraldean bizi badira**, hauek aurkeztu beharko dituzte:

- 1.1. Bilboko Udalari beren beregi emandako baimena, egiazta dezan erakundeak ez daukala zorrik Udalarekin, Ogasunarekin eta Gizarte Segurantzarekin (emango zaien ereduaren arabera). Ez badute baimenik ematen, dagokion zerga-agentziaren eta Gizarte Segurantzaren Diruzaintza Orokorren ziurtagiriak aurkeztu beharko dituzte.
- 1.2. Erantzukizunpeko adierazpena, Dirulaguntzen 38/2003 Lege Orokorren 13. artikulua eta Emakumeen eta Gizonen Berdintasunerako 4/2005 Legearen 24-2. artikulua onuradun izateko ezartzen dituzten debekuetako bat ere ez duela adierazten duena (emango zaien ereduaren arabera).
- 1.3. Bilboko Udalaren ordainketarik inoiz ez dutelako jaso Hartzekodunen Erregistroan inskribatuta agertzen ez diren pertsonen "Hartzekodunen Fitxa" behar bezala beteta aurkeztu beharko dute (emango zaien ereduaren arabera). Horrekin batera NAN/IFZ/pasaportearen eta dirua sartuko den banku-kontuaren titulartasuna egiaztatzen duen edozein agiri ere aurkeztu beharko dituzte.

2. **Egoitza fiskala atzerrian badaukate**, hauek aurkeztu beharko dituzte:

- 2.1. Egoitza fiskalaren ziurtagiria, bizi den estatuan eskumena daukan agintari eskudunak egina.
- 2.2. Erantzukizunpeko adierazpena, Dirulaguntzen 38/2003 Lege Orokorraren 13. artikulua eta Emakumeen eta Gizonen berdintasunerako 4/2005 Legearen 24-2. artikulua onuradun izateko ezartzen dituzten debekuetako bat ere ez duela adierazten duena (emango zaien ereduaren arabera).
- 2.3. Bilboko Udalaren ordainketarik inoiz ez dutelako jaso Hartzekodunen Erregistroan inskribatuta agertzen ez diren pertsonen "Hartzekodunen Fitxa" behar bezala beteta aurkeztu beharko dute (emango zaien ereduaren arabera). Horrekin batera NAN/IFZ/pasaporte eta dirua sartuko den banku-kontuaren titulartasuna egiaztatzen duen edozein agiri ere aurkeztu beharko dituzte.

Bilbon, 2024ko martxoan